

糯新采粵西之糯其名有黃皮糯香糯鈴子糯庸糯穀皆有芒異于秬惟一種光頭糯無芒又一種晚收者亦曰種禾比糯不粘比秬香軟統名大米有大白禾馬皮禾八月鮮紅棉禾白棉禾蘭禾蕃禾香秬禾等名又一種早收者謂之秬糯秬田即可種之六七月熟名曰早糯烏糯狗蚤糯其穀收即入囤不須經露亦可作餌遜于晚糯

秬新采有早秬掛耙秬黃瓜秬百日秬六十日秬蟬鳴稻皆早收長毛秬蛆秬紅粘白秬貴州秬皆晚收又一種早禾種子畚田山地

小粟金通志各縣出新采黃粟穗如狗尾土人謂之狗

尾粟

秬

應作穆

金通志似黍而穗異生三四岐若手指然以耐旱故高亢之地多種之新采俗名鴨腳粟穗拳屈如指爪粒細色黑而味劣作粉調粥稍可食

麥舊志麥有大小二種粵土惟桂林麵第一粵東皆仰給焉

蕎麥新采俗謂之三角麥又一種苦蕎野生

高粱新采山谷中多種之

薏苡新采亦產山谷中土人以釀酒味珍能去濕

豆金通志有紅黃黑白等種

銀金通志出臨桂水槽野雞